

الحلقة) 40 (.. دورة { إِنَّمَا يُبَأِيْعُونَ اللَّهَ } ..

#تدبرات_في_سورة_الفتح .. د. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اما بعد وصلنا للحلقة الرابعة في دورة انما يبَايِعُونَ اللَّهَ تدبرات في سورة الفتح. هزه السورة اللي كلها فتوحات. سيل جارف من الفتوحات بيتنزل على اهل الدين حينما يسيرون - [00:00:04](#)

في طريق العمل لدين الله سبحانه وتعالى. النهاردة يا جماعة هنتكلم عن حاجتين بازن الله. الحاجة الاولانية الترابط الموضوعي في سورة الفتح. الترابط الموضوعي العام. اي موضوع سورة الفتح. بتتكلم عن ايه؟ والنقطة الثانية الترابط الموضوعي التفصيلي اللي هو الخريطة الذهنية. اللي هي اشواط السورة تقسيم السورة - [00:00:26](#)

مقدمة وخاتمة وتلات اشواط بحيس ان احنا نعرف ترتيب اشواط الصورة بتتكلم عن ايه اللي احنا سمیناه الخريطة الذهنية للصورة ده بيساعد اللي بيحفظه جدا انه يبقى فاهم ترتيب السورة ايه. نتكلم الاول في الترابط الموضوعي العام. سورة الفاتحة بتتكلم عن ايه - [00:00:46](#)

سورة الفتح اول حاجة نتكلم فيها عن علاقة مقدمة السورة بخاتمة السورة. مقدمة السورة بتتكلم عن الدعوة الى الله. وخاتمة السورة بتتكلم عن التربية يبقى اول تلت ايات بيتكلموا عن الدعوة وقيمة الدعوة وخطورة الدعوة وآخر اية اية رقم تسعة وعشرين بتتكلم عن التربية وقيمة التربية - [00:01:06](#)

وثمرة التربية وخطورة التربية. تخيلوا يا شباب تخيلوا ان اول سورة الفتح بيتكلم عن الدعوة وآخر سورة الفتح بيتكلم عن التربية. اول سورة الفتح انا فتحنا لك فتحا مبينا. اللي هو ايه؟ فتح ابواب الدعوة الى الله. بعد ما كانت مفهولة بسبب الدعاية المشوهه المضللة بتاعة مكة ضد الاسلام - [00:01:26](#)

قاموا بسبب حرب مكة وقبائل العرب. اللي مانعة اي واحد من المسلمين يروح يدعو في القبائل. لما خرج المسلمين يدعوا ادبحوا في بئر معونة وفي فضيع في سرية بئر معونة في سرية الرجيع ممنوع حد يخرج بيتكلم في الدين. ممنوع تفضلوا محبوسين في المدينة كده. فلما حصل الصلح اللي هو صلح الحديبية - [00:01:46](#)

سمح بانتقال الدعاة المسلمين في جميع قبائل العرب. فتضاعف الاسلام سبع مرات. سبع اضعاف في سنتين. بعد ما كان تسعتاشر سنة كاملة الوضع مغلق. فربنا قال للنبي عليه الصلوة والسلام اللي هو فتح ابواب الدعوة وفتح قنوات الوصول للناس. وده من مضامير الجهاد الدعوي الرهيبة ان - [00:02:06](#)

الى الله يجاهدوا من اجل فتح القنوات الدعوية بينهم وبين الناس. لان دايما اهل الباطل عايزين يقفلوا على الدعاء ان هم ما يصلووش للناس. فلازم الدعاء ينزلوا للناس ينزلوا في ميادين الدعوة ينزلوا في كل مكان يقدروا يصلووا فيه للناس لازم يجاهدوا من اجل الوصول للناس وهو ده قيمة - [00:02:26](#)

وهي دي روح دعوة الانبياء. وهو ده طريق اللي عايز يبقى مع الانبياء في الجنة انه يمشي في نفس الطريق بتاعهم ينزل في كل مكان في الواقع بيتكلم عن الله ويوصل للناس بكل سبيل وده من اعظم انواع الجهاد. جهاد فتح قنوات الوصول للناس. من اجل تبليغ كلمة - [00:02:46](#)

ومن اجل توصيل معاني القرآن والسنة للناس. انا فتحنا لك فتحا مبينا. يعني يا ابن عبدالله انا هفتح لك ابواب في الدعوة عمرها ما افتحت. ابواب للوصول لجميع الناس ولجميع القرى ولجميع البوادي ولجميع القبائل ولجميع اعراض ولجميع كل الابواب في - 00:03:06

العربية تفتح لك. وتحتفتح للدعاء الى الله من اتباعك ومن تلاميذك. ومن صحابتك يا محمد يا ابن عبدالله. ليغفر لك الله. لا من العاقبة بقى لام العاقبة جت مع اربع عطاءات هائلة. اشمعنى لام العاقبة؟ اللي هي لام السيرورة زي ما بيقول ابن عطية. اشمعنى لا بالعاقبة؟ لان كتير من الناس بيتقالوا ان عاقب الدعوة - 00:03:26

وتوسع حسنات وخلاص. انما الدعوة مش هتتغير واقع. الدعوة مش هترجع خلافة. الدعوة مش هتقوم دولة. الدعوة مش هتصلح مجتمع فسد. الدعوة مش هتقف في ظالم الدعوة مش هتزييل منكرات. هو الحل هو الجهاد. الحل هو السيف. الحل هو الاصطدام. لأن فربنا هنا بيقول لك سبحانه وتعالى على اعتبار - 00:03:46

ان دي لام السيرورة ولام العاقبة. افهموا عاقب الدعوة ايه؟ افهموا عاقب النزول للناس والاجتهد في استسمار كل باب الدعوة عاقب مزهله لا من العاقبة بتيجي يا جماعة لما يكون اللي هيحصل غير متوقع زي بالزبط كده فاللتقطه ال فرعون ليكون لهم عدوا - 00:04:07

لام العاقبة هم مش التقطوه عشان يبقى حزن عليهم. هم التقطوه عشان طفل. انما كانت عاقبة التقاطهم ان موسى هو اللي هداركان انتم وهو اللي غرق فرعون كان على ايديه بعد كده. فاللتقطه ال فرعون ليكون لهم عدوا وحزنا. يبقى لام العاقبة معناها ايه؟ ان فرعون - 00:04:27

ان لم يكن يتخيل ابدا على الاطلاق ان عاقبة التقاط موسى هتبقى انه هيبقى لهم عدوا وحسنة. فلام العاقبة بتيجي لما يكون العاقب غير متوقعة وغير متخلية وغير متصرفة. فهنا انا فتحنا لك فتحا مبينا. اللي هي فتوحات الدعوة الى الله. عاقب الدعوة ايه؟ ليغفر - 00:04:47

لكل الله ما تقدم من ذنبك وما تأخر. ويتم نعمته عليك. ويهديك صراطا مستقيما. وينصرك الله نصرا عزابا. مين اللي ان عاقب الدعوة النصب والتمكين والخلافة وتوحيد الجزيرة العربية والمغفرة وتمام النعمة والهدية مين يتوقع - 00:05:07

عواقب الدعوة فربنا بيقول لنا انتبهوا. انتبهوا الدعوة هي طريق التمكين. قل هذه سبيلي ادعوا الى الله. نزلت الاية دي في سورة يوسف السورة الوحيدة في القرآن اللي مسكنها فيها الحكم. الصورة الوحيدة في القرآن اللي تبوا فيها نبي من الانبياء على قمة النظام السياسي في في دولة مصر. امته حصل لما يوسف - 00:05:27

دعا الى الله حتى في السجن يبقى قل هذه سبيلي اي طريق الموصى للتمكين وللفردوس الاعلى ولرضا الله وللسعادة ولتغيير الواقع وللقضاء على المنكرات سبيلي ادعوا الى الله اي الاستمرار مضارع يفيد الاستمرار ادعوا سبيلي من اجل الوصول لجميع اهداف الدين والدنيا والاخرة هو الدعوة - 00:05:47

والى الله على بصيرة يعني بارتباط بالقرآن والسنة على منهج الانبياء. يبقى بداية السورة بتتكلم عن عاقب الدعوة وحيث لام عاقبة واحدة مش ليغفر لك الله وليت نعمته وليهديك ولينصرك لأن ليه وبعد كده اربع فتوحات وان بتج كأن العاقب كلها - 00:06:07

ودنيا واخرة جاية مع بعض لو احنا سلكنا طريق الدعوة الى الله باذن الله سبحانه وتعالى. يبقى بداية السورة عن الدعوة وقيمة

الدعوة وثمار دعوة وفتوات الدعوة. طب نهاية السورة اية تسعه وعشرين بقى لو انتم بتفتحوا معى - 00:06:27

ومثلهم في الانجيل كزرع اخرج شطاً. الزرع اللي هي ساق الشجرة اللي هي النبي عليه الصلاة والسلام. والشطر الفروع لما كبرت وبقت تساوي طول الشجرة اشطاً الرجل اي صار ابناءه الصغار رجالاً كباراً يحملون تجارته ويحملون اعماله. لما الصغير يكبر بقى - 00:06:44

ولاد كبروا. الصحابة كبروا. الصغير كبر. ابنك بقى راجل شايل زيكي في الدعوة. كزرع اخرج شطاً. كلمة اخرج دي فعل احنا قولوا كده ولكن النبي خد في تسعناشر سنة عشان الشط يخرج عشان الالاف وربعيني راجل. اللي كانوا واقفين مع النبي عليه الصلاة والسلام

في الحديبية يبايعوه على الموت - 00:07:04

عشان دول يخرجوا النبي عليه الصلاة والسلام انفق تسعتاشر سنة من عمره كاملين من اجل هزه اللحزة. يبقى التربية بتاخد سنين ولكن السمرة بتاعتها ان بقى فيه رجاله. النبي قعد يبعثهم سرايا ويبعثهم غزوات. ويبعثهم ارساليات دعوية. ويموتوا في سبيل الله

00:07:24

يكلموا ويقلوا تجارتهم ويسيبوا نسائهم ونسائهم تضحى وهم يضحوا ويتفرقوا في مشارق الارض ومغاربها من اجل لنشر دين الله عبد الرحمن بن عوف يطلع على سرية دومة الجندل. في شمال الجزيرة العربية قرب سوريا وابو عبيدة ابن الجراح يجري على سيف البحر - 00:07:44

على سرية الخطوط مئات الكيلومترات ويموتوا من الجوع وكل صاحبي له تمرة من اجل نصرة دين الله. سبحانه وتعالى وكل عمرو بن العاص يطلع في آذات السلاسل ويواجه الروم ويواجه كل صاحبي يطلع والصحابة اللي طلعوا في سرير - 00:08:04 حسمة عند فلسطين والصحابة اللي طلعوا في سرية العيص في جنوب سوريا. والصحابة اللي طلعوا في وادي القرى عند شمال مكة. يعني خمسين كيلو متر للجنوب زيد ابن حارثة رضي الله عنه وارضاه راح حسمة في فلسطين وراح سرية العيص في جنوب سوريا وراح سرية وادي القرى في شمال مكة - 00:08:24

يعني الاف الكيلومترات شمالاً وجنوباً. طلع رجاله كزرع اخرج شطاً. النبي البطل المجاهد الداعي الى الله الصابر العابد القانت طلع صحابة رجاله يبقى اخر اية بتتكلم عن التربية وثمرة التربية وقد ايه التربية هي اللي كانت كلمة السر في - 00:08:44 يبقى الصورة بدأت بكلمة سر. بدأت بكلمة الدعوة وانتهت بكلمة التربية. تخيلوا يا جماعة كل الفتوحات الاربع صفحات فتوحات ما بين الدعوة وما بين التربية. ما بين انا فتحنا لك وما بين كزرع اخرج شطاً. ما بين فتح ابواب الدعوة وما بين طلوع الرجال - 00:09:04

الرجاله بتوع التربية. الصورة اللي اسمها الفتح كان متوقع ان الفتح هبيجي بتتكلم عن الجهاد في سبيل الله لان الفتح هبيجي بالسيف. لأ ده الفتح يجي بالدعوة والتربية. لأن السورة بترد على الملتزمين الوقتي والملتزمات. اللي معتقدين ان - 00:09:24

ان لم ينتصر بالا بطريق الاستطام وان الدين لن ينتصر الا بالمنازعات السياسية او بالاصطدامات بالسيف او انما يا جماعة ربنا بيقول لنا الدعوة والتربية هم طريق الفتح. السورة اللي اسمها الفتح اولها دعوة وآخرها تربية. اتعلموا يا ملتزمين. اتعلموا من - 00:09:41 ترابط الموضوعي بتاع سورة الفتح. وان ان كل الاربع صفحات فتوحات وعطاءات في السورة جم ما بين الدعوة والتربية لأن هو ده طريق الفتح. ان احنا اتفقنا في الدعوة والتربية والدعوة والتربية مش مجرد اعذار الى الله. وعبودية لأن احنا مش لاقين حاجة تانية نعملها في هزه الايام اللي مليانة اغلاق و مليانة ظلم. لأ - 00:10:01

الدعوة والتربية هي طريق الفتح وهي طريق محمد ابن عبدالله عليه الصلاة والسلام. يبقى ده اول نقطة في الترابط الموضوعي العام اللي هو العلاقة ما بين مقدمة الصورة وخاتمة السورة. النقطة الثانية في الترابط الموضوعي العام. ايه الموضوع العام بالصورة؟

الموضوع العام لصورة الفتح هو صفات رجل الفتح - 00:10:21

صفات الرأي انا فتحنا لك من اجلك. هو ينفع واحد يفتح عشانه معركة كاملة؟ ينفع واحد يفتح عشانه واقع؟ هو ممكن ربنا عشان خاطر واحد وعشان ايمان واحد وعشان صدق واحد. يفتح له بلد كاملة ويفتح له الجزيرة العربية كلها. صفات رجل الفتح. صفات رجل الفتح - 00:10:41

عطاءات الله لمن سيسيرون في طريق الفتح في طريق الدعوة والتربية. اللي هيمشو في طريق الدعوة والتربية ربنا يفتح عليهم قد ايه؟ اللي هينشف طريق نصر الدين ربنا ربنا يفتح عليهم قد ايه؟ يبقى صفات رجل الفتح زي سورة الاحزاب. سورة الاحزاب اللي نازلة قبلها بحداشر شهر. في شوال - 00:11:01

خمسة هجرية دي سورة الفتح في زو القعدة ستة هجرية. سورة الاحزاب بتتكلم عن صفات رجل الغلق. صفات رجل المرحلة. صفات

رجل الازمة لما الاحزاب احاطوا وخفقونا وبقت الدائرة دائرة حوالين المسلمين والمسلمين محاصرين من كل الجهات. صفات رجل

المرحلة ايه بقى؟ صفات رجل الازمة ايه؟ دي صورة - [00:11:21](#)

الاحزاب هنا في الفتح صفات رجل الفتح ايه؟ الراجل اللي يفتح لصف كامل بسببه. الراجل اللي ربنا عشان كده انا بقول حاجة لكل المربين. انت ايه هدفك من التربية؟ انت بتربى ايه؟ انت بتربى واحد يستاهل ان ربنا يفتح على الصف كله بسببه. بيقى لازم يكون -

[00:11:41](#)

بيقى لازم يكون موصول بالله. بيقى لازم يكون عنده استعداد للتضحية. بيقى لازم يكون عنده فكرة دعوة الى الله. بيقى لازم يكون عنده صفات رجل الفتح اللي هي في سورة الفاتحة. ايه صفات رجل الفتح؟ صفات رجل الفتح - [00:12:01](#)

ان هو ما بيسبيش باب مفتوح للدين ما يدخلش منه. انا فتحنا لك ليه ؟ عشان تدخل منه فيغفر لك الله. ما تقدم من ذنبك. طب تعالوا من اخر اية بس. ناخد صفات رجل - [00:12:16](#)

للفتح. محمد رسول الله. واحد والذين معه. بيقى معه السنين ونص السنة اللي قبل الحديبية اللي قبل سورة الفتح. والسنة اللي بعده سورة الفتح النبي قاتل فيهم بس قد ايه ؟ خمس غزوات قبل قبل صلح الحديبية. وتلات غزوات بعد صلح الحديبية ده انا مش بتتكلم عن فتح مكة - [00:12:26](#)

بتكلم بس عن السنين بتوع السنة اللي قبل سورة الفتح والسنة اللي بعد سورة الفتح واتنين واربعين معركة. قبل سورة الفتح الصحابة طلعوا اربعين سنية. اربعين سنية. سنية حسمة في جنوب فلسطين - [00:12:46](#)

سرية العايز في جنوب سوريا مش مش هزار يا جماعة الصحابة كانوا بيموتوا. من كتر التضحية والمجهود. وبعد بعد سورة الفتح بعد صلح الحديبية ان حد قبل فتح مكة عشرين سنية. عشرين سنية. يعني اربعة وتلاتين سنية بس حوالين صبح الحديبية. وخمس غزوات قبلها - [00:13:02](#)

آآبني المصطلق والاحزاب وبني قريظة وبني لحيان خمس غزوات قبلها وتلات غزوات بعدها. يعني تمانية واربعة وتلاتين اتنين واربعين معركة حربية. يعني النبي عليه الصلاة والسلام دخل في اتنين واربعين معركة حربية وصحابة عشان ربنا يهديننا الفتح. الناس دي كانت بتنزل يا جماعة - [00:13:22](#)

عشان ربنا يفتح بيقى والذين مع اللي فضلوا معه في طريق الجهاد كله. طيب والذين مع اللي كانوا معه في التلات ازمات طاحنة اللي هنتكلم عنها دلوقتي في الخريطة للصورة هنتكلم ازا ان تلات اشواط كل شوط عبارة عن ازمة طاحنة مرت بالدين ومرت بالدعوة والصحابة وقفوا فيها وقفه بطولية فربنا نزل عليهم - [00:13:42](#)

فتوات وفي كل مرة كان ربنا بينزل عليهم سكينة عشان كده السكينة مذكورة في السورة تلات مرات. لأن فيه تلات مواقف قاتلة. موقف اخرجوا لمكة اللي كانت لسة محسنة من من سنة واحدة بس ده احنا مقتولين مقتولين. والموقف الثاني البيعة على الموت لما اشيع مقتل عثمان - [00:14:02](#)

وبايده على الموت والموقف الثالث وهم في قمة الحماس ويزنوا انهم داخلين من نوع صلح الحديبية ارجعوا وابو جندل سيبوه وازاى قدوا يضبطوا حبسهم ما يقوش متهورين والحماس ما يضيعش مصلحة الدين. وزي الوقتي الشباب كتير سوري يقول لك فين المبادى؟ فين يا جماعة - [00:14:22](#)

والمازنات والعقل يا جماعة زي ما عربية الدعوة فيها بنزين. عربية الدعوة فيها فرامل. وصلح الحديبية الصحابة كانوا بيقولوا للنبي لما نعطي الدنيا من النبي النبي هيعطي الدنيا في الدين. النبي من كتر الحماس وصلت لهزه الدرجة بيقى ازا السورة بتعلمنا ازا - [00:14:42](#)

النفس في هزه المرحلة العصيبة فتلات بطولات بتلات اشواط بكل شوط مليان فتوحات. وكل شوط فيه كلمة سكينة لأن مع كل بطولة كان ربنا بينزل السكينة من عنده سبحانه وتعالى وينزل اليمان واليقين على القلوب من عنده. بيقى ازا اخر اية بتتكلم عن صفات رجل الفتح. رقم واحد - [00:15:02](#)

والذين معه يبقى معك يا رسول الله في كل ازمة من الازمات الثلاثة. معك يا رسول الله في الاثنين واربعين معركة. اللي انت خضتهم في السنتين ونص دول عشان يبجي الفتح - 00:15:22

المبين ده معك يا رسول الله في الحلوة والمرة. مش مع السنة ومع الشريعة لما تكون هتجيب دنيا. ولما تكون هتجيب مشاكل او هتجيب عداء لاهل باطل يبقى لأننا مع النبي في كل موقف - 00:15:32

اثنين اشداء على الكفار رحمة بينهم. الولاء والبراء والاخوة العملية. رحمة بينهم ان في اخوة عملية. يا جماعة باياعة على الموت في سورة الفتح الصلح كان بسبب اشعارات مقتل عثمان. الف وربع عمية واحد مستعددين يموتوا عشان واحد - 00:15:46 قيمة الرجل في الدين. ربنا ادي لفتح مكة سنتين بقدرها وترتيبه. آآ ولولا رجال مؤمنون لولا رجال. رجاله. وهم مستضعفون رجاله. الرجال راجل. ابو بكر من اول يوم ابو بكر. عمر من اول يوم عمر. انت مين؟ انت عملت ايه للدين؟ دخلتك في الدين كان شكلها ايه؟ 00:16:02

مدينة شكلها ولولا رجال مؤمنون عشان تسعه كان عددهم تسعه. ربنا اجل فتح مكة سنتين. عشان لا يصاب ولا يطه ولا يصاب وبازى اسناء فتح مكة شوفوا قيمة الرجل في الدين - 00:16:22 شوفوا قيمة الرجل في الاسلام. لما ربنا يقول في نفس السورة ليس على الاعمى حرج. ولا على الاعرج حرج. هو كان كم واحد اعمى واعرج في المدينة؟ كم واحد يعني؟ عمرو ابن الجحوم - 00:16:35

عبد الله ابن ام مكتوم وكان بيختلف في المدينة يقود المدينة لما الرسول صلى الله عليه وسلم يقول كم واحد كان اعمى واعرج يعني في المدينة كم واحد؟ خمسة ستة عشان خمسة ستة تنزل اية من القرآن عشان خمسة ستة جبريل ينزل من فوق السبع سماوات يتنزل على محمد ابن عبد الله عشان كان قيمة الرجل لان كل - 00:16:45

نور هو مين قال ان هو عشان اعمى واعرج ما لوش دور. وما لوش سفر وما لوش قيمة. وما ينفعش يبقى بطل. ينفع فشوفوا قيمة الرجل. عشان ابو جندل الصحابة كانوا هيدبحوا بعض وهم بيحلقوا بعض. عشان واحد اول مرة يشوفوه ولا عمرهم عارفينه اصلا. لقوا واحد اسمه ابو جندل بيقول لهم خدوني ما تردونيش للكفار - 00:17:05

الصحابة كانوا هيدبحوا بعض من الهم ومن الغم. قيل رحمة بينهم يبقى ده الصف السبب الثاني من اسباب الفتح. الاخوة العملية. الاخوة العملية بينا وبين بعض مش جزاكم الله خيرا يا اخي. الاخوة اللي فيها تكافل. اللي فيها بنقف مع بعض في افراحتنا واحزاننا. ما فيش حاجة اسمها اخوك في ازمة مادية وانت في جيبك فلوس وتسكت. او ما فيش في جيبك فلوس - 00:17:25 تروح تعرف الكل عشان يستدوه. لازم نتكافل ولازم نسند بعض. العبادة الوحيدة اللي لو عايزين الصف كله يتهد. لو ما اتعلمتش ابدا بس ما نكفلش بعض وما نسندش بعض وما نطلعش من جيوبنا لبعض بس لو دي مش موجودة الصف كله يتهد. لان كل واحد هيعدى بازمات مادية - 00:17:45

خلي اللي يسافر برة واللي يروح يشتغل ستاشن ساعة في اليوم ويسيب الطريق لازم نسند بعض ولازم يبقى اخوة عملية. يبقى معية النبي ان احنا رجاله مع كل موقف الدين بيحتاجنا فيه. رقم اثنين من صفات رجل الفتح رحمة بينهم الاخوة العملية. رقم ثلاثة ترى امرکعا سجدا العبادة. تراه - 00:18:05

هتبص نهار هتبص ليل الناس دي عبده ليل نهار. ومش ركعا وسجدا. لركاعا كانه في نفس اللحظة بيركع ويسلام من كتر جهد العبادة او دور ركعتين ودول ساجدين. ومش راكعين ساجدين ركعا سجدا. صيغة مبالغة. قوة العبادة. هو ربنا هيفتحها عليك ليه؟ قل ما يعنى بكم ربى لولا دعاؤكم - 00:18:25

اي لولا عبادتكم. هو اشمعنى انت اللي ربنا يفتح عليك؟ اشمعنى انت اللي ربنا يستعملك في الدعوة؟ اشمعنى انت اللي ربنا هيصلح ولادك؟ اشمعنى انت اللي ربنا هيستعملك في ثغر من ثغور - 00:18:45

فالمبادرات امرا. تدبر امر من امور صغير الدين. اشمعنى انت؟ اشمعنى انت اللي ربنا يصطفيك؟ اشمعنى انت؟ وربك يخلق ما يشاء ويختار ربنا اللي بيختار بعدها وربك يعلم ما تكن صدورهم. على حسب حال قلبك على حسب اختيار ربنا. سبحانه وتعالى لك

يبقى رقم ثلاثة قوة العبادة - 00:18:55

اربعة يبتغون فضلا من الله ورضوانا ان هم صادقين. هو مش عايز حاجة غير من ربنا. هو صادق هو بيعمل كل ده في الدين عشان ربنا مش عشان دنيا. مش عشان - 00:19:15

مش عشان رفعة مش عشان يبقى مدير ثغر مش عشان الناس تتنى عليه الانجازات. مش ليقال جريء ولا ليقال منفق ولا ليقال شجاع. وانما يبتغون ففضلا من الله ورضوانه. يبقى الصدق وانما لكل امرى ما نوى كل واحد. ربنا هيفتح عليه على قد نيته وعلى قد صدقه. رقم خمسة - 00:19:27

نسيناهم في وجوههم اللي هي السكينة وشه عليه سكينة واطمئنان وتبص لوشه كده يعني وانا بتكلم دلوقتي مسلا افتكر يعني والله وهسيب الجميع طبعا واحد ذي الشيخ امين الانصارى مسلا من شيوخي واحبابي - 00:19:47

ابص له كده احس ان انا اطمئت اصلا. سيماهم في وجوههم من اثر السجود. والله حسيب الجميع. يعني ايه من اثر السجود؟ يعني العبادة المثمرة العبادة. يعني الناس دي عندها عبادة كيفية - 00:20:00

يعني الناس دي قلوبها مع الله وهي بتسجد. مش راس سجدت وطلعت. قلب نزل سجد بين ايدين ربنا وطلع. بىصلی وهو واقف عند باب النور واقف عند سدرة المنتهى. يبقى العبادة المثمرة اللي بتترفع. رقم ستة كزرع وما ذلك مثلهم في التوراة ومثلهم في الانجيل كذلك - 00:20:13

ان اخرج شطاً زرع التربية يبقى رقم ستة من صفات رجل الفتح انه مربى. انه بيهتم بالتربيه ان هو طول وهو في المسجد يا رب اللي لسه داخل جديد. يربىه بتواجده. يربىه بكلمة وعظ - 00:20:33

يربيه بالسلوك العملي. يربىه بالاهتمام به وبمشاكله. يربىه انه يقول له افتح لي قلبك. لو عندك مشكلة قل لي انا هفقطع من وقتى واقعد معك. يربيني يشرح له كتاب من كتب العلم الشرعي اللي هو خدتها. يربىه انه يدله على مكتبة اسلامية او على موقع اسلامي او على صفحة فيس. مليانة مقاطع دينية لداعية - 00:20:47

ومراد يربىه انه يدله على المعاهد التربوية انه يودي له محفظة قرآن. انه يدلي له خبرته في طريق الدين. يبقى كزرع اخرج التربية كلنا لازم نبقي مربين. يعني ايه ؟ هابقى هابقى الشيخ محمد يعقوب يا حبيبي مش تبقي شيخ. المربى ده اللي هو انت بتربى ولادك لازم تدخل كلية تربية - 00:21:07

عشان تربى ولادك انت بتتحبهم فبتدبهم وقت وبتديهم خبرة وبتتعيش وسطهم وبتعالج مشاكلهم وبتفتح قلبك لهم وبتتصاحبهم التربية حب يا جماعة. التربية مش بس علم. التربية حب. التربية اهتمام. التربية انك فاهم ان الخبرات البسيطة اللي عندك دي بالنسبة - 00:21:27

للي داخل جديد بعدك بستين ثلاثة اربعة خمسة انت بتتصنع له مستقبل عظيم. واذا التزم على يديك الف رجل فانت عبد صالح. واذا تربى على يديك رجل واحد فانت ممن يصنون التاريخ. يبقى كزرع اخرج شطة يبقى رقم ستة في صفات رجل رجل الفتح - 00:21:47

تربية والاهتمام بالتربيه. رقم سبعة فائز. كزرع اخرج شاطئ. اه لما طلعت السمرة. لما المربى ربى طلبة كل واحد بقى راح بقى تغير وفصل اكبر من غير ما تفصل فائزه. انت بتربى عشان تؤزر الدعوه. انت بتربى عشان تؤاهر الدعوه. انت دايم اقول للاخوه اكبر من غير - 00:22:07

يا مولانا لما تربى وتعلم مش لازم تروح تفتح دار قرآن وتنسى الناس اللي ربتك بيئه الایمان اللي انت طلعت منها والمجموعة اللي انت كنت معه. مش لازم تقوم تقرى فانج جمعية خيرية وتنسى. ما تجريش وتفصل. يا مولانا لما نفضل ايدينا في ايد بعض اجري يا عم وافتتح - 00:22:27

القرآن اجري يا عم وخليك داعية. خليك فاتحة جمعية خيرية اعمل اللي انت عايزه. وباسمك ولك ولكن من غير ما تفصل ايه يعني احنا نفضل نتعاون مش في المصغر بتاعك في صغير تانية عامة ايه المانع ان احنا نفضل نتعاون ولو يا عم بعشرة في المية من وقتك

وخلی تسعین في المیة من وقتک - 00:22:47

مشروعک الجدید اللي علیه اسمک وبفكرك وبدارتك ولكن لازم يبقى فيه جزء من طاقتک للحاجة اللي انت كنت فيها في يوم من الایام فائز مش ففصل وقعدنا نبقى ببطولات فردية. جزر على جزر كل يوم جزيرة جديدة تتولد. بقینا ارخبیل سلفی زی االرخبیل الاندونیسی کده. عشر تلاف جزيرة - 00:23:07

کده کونوا دولة واحنا عشر تلاف بطل فردي. کونوا دعوة. انما ما فيش تعاون بینهم. ما فيش مؤازرة بینهم يبقى ده رقم سبعة. طب رقم تمانیة في الایة من صفات رجل الفتح. کلمة جبارۃ بعض المفسرين قال والذین معه ده ابو بکر. لانه ما کانش بیسیب النبی. اشداء على الكفار قالوا - 00:23:27

عمر کان شدید على الكفار لما نعطي الدنیة. رحماء بینهم قالوا عثمان الاخوة رمز الاخوة. ما رضاش يطوف من غير اخوانه ما يطوفوا معه. لما دخل یفاوض المشرکین قال له توب - 00:23:44

قال لهم لآنا ما اصوفش لوحدي. رحماء بینهم. تراهم رکاعا سجناء. قالوا ده علي ابن ابی طالب. يعني ایه يعني الصفات دي مش في راجل واحد. الصفات دي تکامل ما بین الصحابة وبعضا - 00:23:54

الصفات دي لما بقینا جمب بعض کل واحد عنده صفة فالفتح شروطه کتير. کان احنا کده عشرة داخلین نمتحن على منهج. فکل واحد زاکر فصل بقت المهمة سهلة. دخلنا کل واحد جاوب السؤال بتاع الفصل بتاعه میة في المیة. فجينا کلنا میة في المیة. هو ده العمل الدينی يا جماعة. اسباب الفتح کتير - 00:24:06

فده عابس وده داعی ودخلوق ودا عنده اخوه عملیة ودا مهتم ببیئة الایمان ودا مهتم بالدعاء ودا واصل لرحمه. في النهاية بقی جميل وبقی یستحق تنزل الفاتحة عليه. بقی دي تمن اسباب للفتح في ایة واحدة بس من سورة الفتح. بقی الترابط الموضوعی في سورة الفتح ایه موضوع سورة - 00:24:26

فتح موضوع سورة الفتح هو صفات رجل الفتح. مین اللي ربنا یہیقول له انا فتحنا لك. لك ای من اجلک عشان خاطرك. عشانک انت مین احنا عایزین نربی ناس تستاھل الفتح؟ اهل لان یفتح الله لها مش عایزین نریع بقرة ولا عایزین نربی علماء احنا عایزین نریي ناس تستاھل ان ربنا - 00:24:46

افتتح لها. تستاھل ان ربنا یفتح القلوب عشانها. تستاھل ان ربنا یلم المجتمع حوالیها. لانهم صادقین مش عایزین حاجة غير ربنا. ده الموضوع وعطاءات الله لمن سیسیر في طریق الفتح وطریق البزل لدین الله. وقلنا العلاقة بین اول السورة وآخرها اول السورة ییتكلم عن الدعوة. اخر السورة ییتكلم عن التربیة. ما بین الدعوة - 00:25:06

اربع صفحات فتوحات. بقی السورة كلها من اولها لآخرها دعوة وتربيۃ. وعنوانها الفتح کأن الفتح في الدعوة والتربیة اوعوا تزنوا ان عایزین الفتح ییجي عایزین التمکین ییجي عایزین فلسطین تتحرر عایزین ربنا ییجب التمکین من عنده انشغلوا بالدعوه والتربیة بصدق وشوفوا - 00:25:26

عواقب الانشغال في الدعوة والتربیة هتبقی شکلها ایه؟ بقی النهاردة وقفنا مع الترابط الموضوعی في الصورة. ان شاء الله بازن الله الحلقة الخامسة بقی اللي جایة بازن الله سبحانه وتعالی والبث - 00:25:46

الجای بازن الله هنتكلم عن الترابط الموضوعی التفصیلی اللي انا بسمیه في المنهج العشري الخریطة الذهنیة للصورة. ایه مكونات السورة من ایة کزا لایة کزا بیتكلم عن کزا من ایة کزا لایة کزا. اللي هي - 00:25:56

الناس اللي بیحفزوا القرآن دایما یحبوا ده. ادینی الصورة في شکل خریطة زهنية. اللي هي بقی اشواط السورة وترتيب اشواط السورة واذای ان الكلام مرتب آآن شاء بازن الله هنتكلم عن هزا الموضوع في الحلقة القادمة. اللهم انا عبید لقمان وعبید کمان وامائک نواصینا بیدک ماض فینا حکمک عدل - 00:26:09

فینا قضاوک نسائلک بكل اسم هو لک سمیت به نفسک. او انزلته في كتابک او علمته احدا من خلقک. او استأثرت به في علم الغیب عندک ان تجعل القرآن العظیم ریبع قلوبنا ونور صدورنا وجلاء احزاننا - 00:26:29

وذهاب همومنا. اللهم اجعل القرآن العظيم ربيع قلوبنا. نور صدورنا وجلاء احزاننا. وذهاب همومنا اللهم اجعل القرآن العظيم ربيع قلوبنا. ونور صدورنا وجلاء احزاننا وذهاب همومنا. اللهم ارزقنا حفظ القرآن في - 00:26:49

صدورنا. اللهم اجعلنا من اهل القرآن الذين هم اهلك وخاصتك اللهم امين. سبحانهك اللهم وبحمدك اشهد ان لا اله الا انت استغفرك واتوب اليك. جزاكم الله خيرا - 00:27:09